

bayerische
Staatsbibliothek
MÜNCHEN

HIERONYMI
CARDANI MEDI-
CI MEDIOLA-
NENSIS,

*

DE SVBTILITATE
LIBRI XXI.

*Ad illustriss. Principem Ferrandum Gon-
zagam, Mediolanensis provincie
Præfectum.*

*



LVGDVNI,
*Apud Gulielmum Rouillium sub scuto
Veneto.*

1551.

LIBER DECIMVS.

De Perfectis Animalibus.

Animalia perfecta nobiliora nouem differētius cōprehenduntur.



NIM ALIUM perfectiorū, quædam in solo habitant aëre, pedibusque carent, tamen si hæc Aristoteles non cognouerit, ut Manucodiata: alia in aëre & terra, ut Aquila, & pleræque aliæ aues: alia terrestria

sed auibus similia ut Struthio camelus: alia aquæ terræque comunia, ut fiber: Alia aues natantes ut olores: alia pisces volantes: alia pure terrestria ut canis: alia sub terra habitant ut talpa: alia in aquis solum degunt ut Delphin. Nec nostri instituti est omnes species, sed tantum genera hæc nouem contentasque sub illis nobiliores species attingere. Varij generis incertæque naturæ fuit animal, quod præsentis anno xix. Ianuarij Papæ vidimus. Vulpis magnitudo, aliquanto longius, ore & rictu leporino, cum pilis longis, duobusque dentibus prælongis: siquidem digiti humani longitudine prominentibus admodum sciuri: oculis serpentinis, quippe qui angulis carerēt & nigri essent. Pileus inerat capiti, hircinæ barbæ simillimus, sed non aliter quam crista pauoni. Pilus mustellinus ac pulcher, nisi quod super collum velut lana candida videbatur, anteriores pedes ut taxi, aures & posteriores nihilo differentes ab humanis: nisi quod pedibus vngula vrsi pro humana erat. In dorso postremaque parte spinæ circiter centrum, histricis instar, quarum quædam in apice curuabantur, prominebant alioquin immobiles: nec ut de histrice ferunt emissariæ, cū moueretur strepitum dum se colliderent edebant. Cauda

Animal incerti generis, ac forma.

anser

anserina, sed in spinas plumæ finiebantur. Si reliqua
 nō videas anserem dices: candidis ac cinereis plumarū
 sedibus, latoq; lumine anserē æmulantibus. Vox sub-
 -obscura, rauca quasi latrantis canis. Iracundū animal,
 sed tamen quod facile à circulatore tractaretur. Ca-
 nes odio prosequeretur maximo, sexus foeminei, æta-
 tis iuuenilis. Potus nullus, cibus, panis aqua madefa-
 ctus. Animal hoc sui generis vix esse credam, sed ex hi-
 strice alioque velut vrsō natum. Histricem enim con-
 stat esse suam spinas illas habentē in dorso, quas possit
 eiaculari. Africam mittere proditum est, sed nunc &
 Gallia habet & Italia. Spinæ palmi lōgitudine, præacu-
 tæ, leues, albo nigroque distinctæ. Sunt erinaceo spinæ
 similes, sed longè minores, totoque corpore, & quæ
 emitti nequeant. Est & Erinaceus histrice longè mi-
 nor, cogitūque in orbem. Sed ædepol ad hominis sa-
 lutem natū: siccitate enim ac temperie sua iuuat iecur,
 renes, vesicam, ventriculum, pulmones. Huic tanquam
 è regione ouis opponitur vellere mollissimo. Pabula
 sterilia subtilitatem lanæ augent. Vnde Vir.

si tibi lanicium cura, primum aspera sylua

Lappæq; tribulique absint: fuge pabula lana.

Ideoque Anglica lana nunc vt olim Milesia celebra-
 tur. Quare iterum ille:

Eam circum Milesia velleræ nympha Carpebant.

Ergo nunc Britannia inclyta vellere est. Nec mirum,
 cum nullum animal venenatum mittat, imò nec infe-
 stum præter vulpem olim & lupum, nunc verò exter-
 minatis etiā lupis tutò pecus vagatur: rore cœli sitim
 sedant greges, ab omni alio potu arcentur, quòd aquæ
 ibi ouibus sint exitiales: quia tamen in pabulo humi-
 do vermes multi abundant. Cornicum adèò multitu-

Histrix.

Erinaceus

*Ovis Vir-
litas.*

Libr. 3.

Georg.

*Britannia
laus &
mira.*

*Cornicum
multitudo*

do

in Britan- do creuit, vt ob frugum damna nuper publico confi-
nia cur sit. lio illas perdentibus proposita præmia sint: vbi enim
 pabulum, ibi animalia sunt quæ eo vescuntur, atq; im-
 modicè tunc multiplicantur, cum vbique abundau-
Cur Brita- rit. Caret tamen vt dixi serpentibus tribus ex causis
nia serpen- nam pauci possunt generari ob frigus immensum, quia
tibus ca- verò optimè colitur, qui geniti sunt exterminantur.
reat. Cum autem semel illis vacua fuerit, non potuerunt
 aliunde aduenire, prohibente mari cum insula sit.

Lucy pi- Eadem in lupis fermè ratio est. Mirum est illud,
scu miru. quod à tot audiui viris, vt impudentius fuerit tot te-
 stibus mendacium non credere, quàm veritatem ad-
 uersus eorum auctoritatem tueri: lupum piscem flu-
 uiatilem, quem luciù Itali vocant, scisso ventre osten-
 dendi lactis causa, inde confuto, atque inter tinchas
 in viuariis reposito sanari humore earum, dum se il-
 lis lupus ventre affricat. Hoc tamen causam habet
 manifestam cum viscera non sint oblæsa, & humor
 ipse glutinosus sit, aërque ad corruptionem minimè
 paratus. Nec scio an in Italia experienti hoc sit suc-
 cessurum. Quid demum? nonne illud vt ad ouium hi-
 storiam redeam, mirabilius euenit ob regiones, quòd

Verne cum in calidis regionibus veruæ caudæ quatuordecim
cauda im- librarum nonnunquam, & viginti & triginta,
mensi pon- quandoque etiam & quadraginta sint, vt non tan-
deru. tus vllus hic veruex, quanta est cauda in regioni-
 bus illis. Contingit hoc, quia humidissimum est
 hoc animal & inter quadrupedia frigidum. Cùm-
 que cætera ossa extendi nequeant, ne pinguedine
 propria obruatur animal totum humorem in cau-
 dam transmittit, fitque carne & pinguedine immen-
 sa extensis etiam ossibus ac neruis non parum, quæ
 hum

humida natura velut & pisces semper incremento apta sunt. Sed nonne illud etiam dignum admiratione, quod veruecibus quibusdam quatuor sint cornua, quorum aliquos mihi videre contingit: sed minore miraculo quam referat Aristoteles, visam capram in crure cornu habentem. accidit hoc errore proculdubio naturæ & materiæ ad cornua generanda aptæ multitudinem: at in his quod caput esset imbecille, maluit natura diuidere onus, quam moleste grauare veruecem.

*Verueces
cū quatuor
cornibus.*

Oves tuentur canes, qui pluribus generationibus transeunt in agrestes, primò canes, inde in lupos: sicut & lupi cicures, post multas generationes in canes transeunt. Vnde lycisca è lupo canéque, nec obstat vocis varietas, quandoquidem in occidentali India in Hispana insula canes ex toto muti sint, quanto magis vlulare possunt, cum etiam aliqui canes domestici vlulent, tamen inter ostenta habeatur. Miscetur canis vulpi & tigridi communibus filiis, qui vtriusque referunt formam. Nam cum tempora gestationis vteri conuenierint misceri possunt, vt in arboribus dictum est, & cibus communis extiterit. Alopeca è cane ac vulpe, quem vidi masculus erat & mutus, nescio an tales sint omnes. Hoc animal ingeniosissimum videtur natura homini consultò copulasse: quod semper natura similia similibus necere nitatur, & morum similitudo patriat ac retineat amicitiam. Grauis enim esset canis homini; ni adedò solers natura esset, amatur ob diligentiam & ingenium quibus placet. Ferocissimi & robustissimi maximiq; sunt in Corsica insula, tum ob aërem (humido enim crescunt quæ natura sunt sicca) tum ob exercitationem & educationem. Caput habent

*Canes in
lupos, &
lupi in canes.*

*Lycisca.
Canes mu-
ti.*

*Canes a-
cerissimi.*

max

maximum corporis comparatione, quod etiam maximum est. Cibus, pugna, aer, educatio, natura illos immutant, ad eò vt specie differre videantur. Docentur odisse genera quaedam hominum vt quòdam Rhodi Turcas, Bezerillus Indos. Hic erat canis qui homines Indos ab Hispanis discernerebat, authore Gonzalo Fernando Ouiedo. Humanis carnibus maximè efferrantur, & sensum supra naturam acuit. Vt ille doctus esset, volentes ducere, nolentes lacerare, prostratis parcere. Quod illi in Dei voluntatem & indulgentiam transferunt, ego vel cibo humanæ carnis tribuo, vel vsui, vel potius dæmonum auxilio. Neque enim placere Deo tantam crudelitatem mihi persuaserim. Hic vocem pugnantium retrahentiùmq; intelligebat, doctus & digito vel nomine demonstratos aggredi, lacerare, trahere.

Rosomacha. Nascerè animalia hominũ moribus similia in singulis fermè regionibus edocet in Lithuania Rosomacha, animal quantitate canis, facie felis dorso & cauda vulpis. Hoc enim ad eò est vorax, vt cum cadauera depascatur, plenum iam ventre toto, inter duas arbores quæ parum inuicem distent aluo compressa emittat quod ederit, inde ad saginam reuertatur. Sic Lithuani hominum sunt voracissimi.

Sed vt reuertar ad canes, nullũ animal est tã docile. Docetur venari, explorare, & ferre: vt esset ingeniosum siccũ esse oportuit, atq; ob id obnoxium rabiei, quod summum est malũ, & demorsis hominibus immedicabile, vbi aquam odisse cœperint, Sic Ouidius:

Et formidatis nulla medetur aquis.

Venantur fermè sponte, docentur explorare, quidam odore aues explorant, quos sagaces dicunt, vulgus brachos:

chos: alij lepores & ceruos, qui primum retinent no-
 men. Sunt & retiarij, qui intuitu terrent perdices ac
 coturnices donec rete capiantur. Commune omnibus
 canibus est domum tueri, oblatrare aduenis, & perse-
 qui pauperes, & qui laceratis vestibus sunt. Instruuntur ^{Modus}
 sensim ad ferendum: primò proiecto pane, sed sic vt ^{quo canes}
 parere imperanti & ad se vocanti cogatur, post panis ^{docentur}
 pyxidi clauo includitur, vt cum panem famelicus in-^{ferre.}
 uaserit pyxidem ferat vocatus, ne panem relinquat.
 Sensim verò a clauo panis aufertur, vt tandem con-
 suetudine pyxidem clauo mordicè capto referat. Sic
 tandem ferrum reportat, eadèmq; ratione lapides, &
 quicquid est difficillimum. Tandem aquis tabella im-
 mittitur cum pane, inde clauus cum pane, eadem indu-
 stria panis clauo adiicitur muro infixio, vt canis non
 cesset donec clauum eruerit. In omnibus famè opus
 est magistra iuxta Persianum illud.

Venter negatas artifex sequi voces.

Semestri spacio temporis sic canem erudiui: vt nec
 puer docilior videri posset, aut ad mādāta promptior
 cum nutus ipsos intelligeret. Et quamuis totum in do-
 centis industria sit repositum, eliguntur tamen pilosi,
 ac pilo minimè recto, sed tenui atq; molli tum prono,
 ingeniosiores hi videntur & patientiores laborum, ac
 magis obedientes, qui & parum latrant: vt melitei gra-
 tiores, nullius tamen vsus ob paruitatem. Certa non
 est canum magnitudo, nec ingenium, nec color vnus,
 nec vox. Alij boues fermè æquant magnitudine, alij
 muribus non sunt maiores, muti alij, alij clamosi, alij
 vlulant etiam. Rubei, candidi, ruffi, nigri, varij, alij
 obesi, alij cursores, alij macilenti, rudes alij ac quasi ru-
 stici, alij mansueti, crudeles, alij feroces, timidi alij, &

B

quidam apti ad omnia seu sensibus, seu ingenio valeant. Ita denique nihil moribus & varietate hominum discrimina adeò æmulatur, vt canis.

Elephantis forma. Verùm quidam præferunt Elephantes, Alij Cercopithecus canibus, industria & sagacitate. Elephantem vidisse se refert Arrianus, qui cum in auribus bina haberet cymbala, promuscide alternatim ea tangebatur ad rithmum, saltabatq; pro rithmi ratione, cæteris cum imitantibus, choreamq; ducentibus. Idem tanguntur misericordia, & regem adorant, & iuramentum norunt, & exigunt, & sidera venerantur, & sui miseret: agnoscunt sefforem, & vltionem expetunt eorum à quibus iniuste vexantur, & nihil ad humanitatem deesse eis videtur, præter sermonem, cum multi etiam homines bruti & disciplina & moribus ipsis Elephantis magis videantur. Maxima proceritas est, vt homo erectus extensis manibus eam æquet, ternos bubalos crassitudine excedunt nonnunquam, cuius pili etiam illorum pilis extant similes. Oculi quales apris, ac dentes superiores prominentes binis aut etiam amplius cubitis, acie sursum versa. Cauda bubali, pedibus rotundis vt orbis ad vnguem, in quibus quinæ vngulæ ostreacæ cochæ magnitudine. In cauda pili admodum rari, ipsa ternos ferme palmos æquat longitudine, aures autem geminos. In suprema maxilla promuscis ipsa oblonga quasi è nare oritur, dura materia ac nervosa corioque valido obducta, in cuius extremitate quoddam prominet additamentum, vt suis in extremo narium orbiculare, subest quasi in abdito vt etiam suis os Elephantis, promuscideq; cibos ori admouent: Robur ei parti incredibile facile enim arbores prosternit vno ictu quas viginti homines si prosternere aggrediantur

tur frustra tētauerint. Fœminæ robustiores, iracundæ
 magis accrudeles, sed tamen masculis minores sunt.
 Incedunt ad eò molliter, vt non secus ac mare his qui
 non assueti insederint nauſeam commoueant. Iuuen-
 culi autem gradatim eunt, non autem aliter quàm
 asturcones, aut mulæ disciplina instructæ. Promusci-
 de colligunt stipes, vnde etiam manus vocari solet, ge-
 nibus flexis excipiunt vectorem, regemque vt dixi ado-
 rant: eadem arborum ramos vellunt, quibus pascuntur
 nonnunquam vt herbis, limosa & palustria amant &
 inhabitant vt sues neque si rectè consideres cum vllò
 alio animali cognatio maior. gloria incitantur, & vo-
 cem ad eò rectoris intelligunt vt alios feriant, ab aliis
 abstineant. Solet promuscidi ensis duorum cubito-
 rum validus alligari, quo & mortales & equos pro-
 sternunt: ab equis etiam timentur, sicut & ipsi ignem
 formidant, vnde aduersus illos Indi facibus se tuen-
 tur, vt timore perculsi maiora suis damna inferant
 quàm hostibus. feruntur etiam naturali quodam in-
 stinctu vocem apri formidare. Dentes de quibus dixi-
 tantæ sunt magnitudinis vt exerti hominem manibus
 distentis rectè stantem, quamuis obliqui superent alti-
 tudine, crassitudo qualis humano capiti, pulchritu-
 do mira. Nam dentes Elephantis ebur proprie sunt
 quamuis etiã omnia ossa eodè nomine vocètur. Nihil
 melius ad pectines, sed & alia opera vsum præstant,
 haud mediocrem, cum etiam inter gemmas fedeat, &
 cum marmore certet. Soliditate sua ac tenuitate fit vt
 totum cum tale sit, viuacissimum animal reddatur: at-
 que hoc vnum est Elephantis priuilegiũ. Nam magni-
 tudine & robore à cetis & serpentibus quibusdam vin-
 citur, sagacitate ab homine, & æquatur à canibus

cæterum vitæ longitudine quod sciam nullum est præstantius ducentis annis viuere palàm est, multi tamen authorum trecentis affirmant. Neque enim animalia in aqua degentia ob humidum liquidius tamdiu viuere possunt, nec aues ob paruitatem, nec quadrupedi alij melior temperatura concessa est. Quamuis verò lentè videatur moueri, homines currentes tamen consequitur ob vastitatem corporis. Binæ clitellæ duabus cathenis sub ventre positæ dorso imponuntur, his castellum ligneum imponitur in quo seni homines ad minus, quandoque etiam vsque ad quatuordecim armati pugnant omni telorum genere. Sed hoc genus pugne olim præclarum, tormetorum igneorum violentia euiluit. Huc vsq; videtur natura processisse in animalibus brutis, vt mäsuetissimum maxime lögæuū & ac robustū & magnitudinis rare procrearet. Atq; hic status mortali huic materiæ vltimus, præter hominem cui melius aliquid largiri excogitauit: nam Elephantis sanguis etiam prædulcis est, ac pro tanta mole tenuis. Promuscide odores sentit Elephas, & mamas habet duas sub armis, adeò paruas vt à latere nequeant conspici; neque enim magnitudini corporis vlla ex parte respondent. Mas coire quinto aut sexto anno incipit, & vere coit, nec nisi singulo triennio reddit ad venerem: fœmina anno xij. cum celerime, xv. cum tardissime fœtū gestare incipit: fert biennio toto, & mas quam grauidam semel reddiderit, inire amplius nõ sustinet. Catulus cum nascitur vitulū trimestrem æquat magnitudine, Potum haurit incredibilem, & cibi maximi est. Floret circa annum ætatis LX^m. spirat etiam promuscide, tot ei commoda vnum præbet membrum frigoris impatiens est, & ob id præcipue nascitur in

In .

India. Vbi etiam Rhinoceros, animal rarum, equi *Rhinoco-*
 magnitudine, pilo musteæ simillimo: capite ceruino, *ros.*
 in quo cornu crescit vnicum cubitorum trium longi-
 tudine, media in fronte atq; rectum, in imo autem am-
 plum tendens in aciem. Collum breue, iuba rarissima,
 & in alteram tantum partem tendente, crura velut ca-
 preolo tenuia, postremorum pars posterior multo pi-
 lo villosa, vngulæ bifidæ: in vniuersum si quis aduertat
 cerui naturæ non est absimilis præter cornu illud: fe-
 rum est valde. Nascitur & in Aethiopia inter solitudi-
 nes squalentemque terram, atque inter serpentes, mi-
 rumq; in modum venenis cornu eius aduersari creditur.
 At contraria aëris qualitate penitus sub Boreali polo *Alces.*
 Alces nascitur, ceruo simile, cruribus anterioribus
 longioribus, carnem habens promuscidem breuem
 tamen: cuius vngula si collo appendatur comitiales
 sanare siquid aliud posse creditur, falsoque carere
 genibus.

Animal aliud mittit Aethiopia, parte anteriore vul- *Animal*
 pi persimile, cauda & posteriore cercopitheco: pedi- *monstro-*
 bus anterioribus humanis, auribus vespertilionis, *sum.*
 quod crumenam habet sub ventre, qua catulos vnde-
 quaq; gerit, nec dimittit nisi dum lactare vult. Mittit
 & India occidentalis Chiurcam e mustellino gene- *Chiurca.*
 re, quæ eodem modo filios secum fert.

In eadem Aethiopia vaccæ sunt cornu vnicum in *Vacca vni-*
 fronte gerentes paulò longius palmo, quod recurua- *cornes.*
 tur in terga, pili cærulei sunt. Aliæ cornua habent cer- *Vacca cer-*
 uina, pilo subnigro, quas eadem regio mittit. *nina.*

Nascitur & Leo eisdem in locis, ferme animalium *Leo.*
 quadrupedum audacissimum cuius ossa ignem colla-
 sa creduntur excutere, longo corpore, colore fuluo,

acri intuitu, longa cauda, quam quatit per sepe, pilus non rectus antierius sed mollis ac flexus, breuior parte postrema, capite magno, rictu oris amplo, vnguis maximis ac durissimis armatus, rugitus asper. Iracundum genuit, quia fortissimum, atque ob naturam tam calidam alternis diebus laborat morbo, quibus iacet prostratus & rugit, non totis diebus, sed statis horis.

Mustellarum genera. Sunt etiam animalia pellibus nobiliora, vt lincci, & e mustellarum genere plurimæ, Martori, Varij, Lardironi, Viuerræ, Ginettæ, Has Hispania mittit, forma & moribus domesticis mustellis, quas nos Foinos vocamus similes, pelle varia ac nigro & cinereo alternantibus maculis distincta. Sed Zebellinæ omnium longe preciosiores pulchritudine & raritate. Has mittunt sub extremis septentrionibus Lapones. Pelles colli diuturniores plerumq; vt in vulpe, viuerra, lardirolo, nam partem eam cute solidiore ob periculum naturamuniuit, inde factum est, vt pili diutius contineantur.

Snac animal suauissima carnis. Videtur in Sarmatia animal oui simile magnitudine, valde velox, cuius lana cinerei est coloris, cum cornibus admodum paruis, cuius caro adeo est suavis vt Imperatores Tartarorum (sic enim vocantur nunc & Scythæ & Parthi) illius greges venari non dederentur. Negauerat Aristoteles animalibus iucundos inesse odores, adeoque constanter vt Pantheram bene olere tantum quibusdam animalibus affirmet, non autem verè, neque ab hoc dissentit Theophrastus. Sed stercus animalium quoniam multum & humidum erat, impedire odoris suauitatem potest, in plantis non ita cum sit modicum & siccum, atque concoctum.

Præle. 4. lib. 6. de plantarum causis. 26. Quamobrem animalibus quibus stercus bene olet;

mo

modicum esse oportuit & siccum vt lacertis magnis, de quibus supra diximus, quos etiam crocodileos vocauimus & anguibus. Igitur vt natura nihil intactum relinqueret studuit diligenter vt odoratum animal efficeret, neque vnum sed diuersa ratione.

Zibethum igitur finxit feli per similem, sed maiorem, animal quod Hispania mittit, dentibus armatum & ferum valde, quod nulla temporis longitudine mitescat, pilo asperiore, ore oblongo, vt taxo animali: in huius tam masculi quam foeminae genitalibus folliculum genuit, e quo semen argenteo cocleari excipitur, adeo odoris fragrantis, vt vel grana tria, pondus librarum plurium cuiusque arboris odoratissima vincant. Oportebat enim in tanto conatu aduersus difficillimam rem naturam aliquid magnum efficere: Solent enim & homines conari, cum rem difficilem aggrediuntur, vt admiratione dignum aliquid efficiant: cumq; meta superanda est, haud mediocri interuallo illud efficere conamur. Quam eandem regulam in Moscho etiam obseruauit: hoc mortuum tantum vidi in via vexilliariorum Mediolani, Cum Zibethum viuens imo viuentia viderim masculum ac foeminam. Moschus igitur magnitudine & forma ac pilo, nisi quod coloris est magis glauci, capreolo similis est. Pilus tamen etiam crassior est pilo capreoli. Supra binos & totidem infra dentes habet, hocque solo differt & odore a capreolo, nam pili varietas a regione ortum habere posset, cum animalia translata filios longe sibi magis dissimiles quam pro hac varietate pili ex regionis diuersitate pariant. Ergo infra vmbilicum huic animali vesica colligitur, sanguineq; impletur, quae omnem rem ad hanc vsq; diem cogitam magnitudine & suauitate

*Zibethum**Moschus*

odoris vincit & exuperat. Vt manifestum sit huiusce-
modi animalia, neque Aristoteli neque Theophrasto
nota fuisse: neque mirum, cum nec Galenus ad quem
magis pertinebant, cum nullum nunc vnguentum ho-
rum expers sit, quique plus quadringentis annis poste-
rior illis fuit ea minimè cognouerit. Hanc igitur ob
vesicam totum animal quantum mittat iucundi odo-
ris vix dicere queam, tamen si vt dixi, non solum mor-
tuum, sed iam diu esset. Sed & folliculo illo per mul-
tos annos arcis indito, omnes quæ intus vestes seruan-
tur miro odore fragrant.

*Fiber &
Castoreñ.*

Idem robur fibri testibus inest: abundat in Perside,
sed ex Balasam vrbe aduehitur: tãta inest illi vis cum
nondum consenuit neque adulteratum est, vt Verto-
manus referat, quaternos homines qui singuli post
singulos illud naribus admouerant, sanguinem protin-
us ex ipsis naribus misisse. Sed Persæ ob auaritiam
nullum syncerum castoreum ad nos venire sinunt. Fi-
brum ipsum tamè nunquam vidi. Ferũ animal esse ca-
nis magnitudine, sed oblongum, mansuetum, pilo
nigro, atque splendido, cauda prælonga, atque à me-
dio infra piscis caudæ simillima, pedibus posteriori-
bus anserinis, ita duplici auxilio pedum scilicet postre-
morum & caudæ aquis innatat. domos ex ligno mi-
ro artificio construit: acumine enim dentium quos
habet robustos, non aliter quàm ferra ad secanda li-
gna vitur.

*Fera ani-
malia vt
cicureñtur.
Cercopithe-
cus.*

Fera omnia animalia cicurantur, si statim vbi nata
sunt lacte humano lactentur à muliere, aut quod faci-
lius est canino. Sic etenim feles discunt amare domi-
num, nec secus ac canes blãdiri illi atq; cum comitari.
Est & formæ raræ Cercopithecus, magnitudine ho-

mi